

„Plattdüütsch in Kinnergoorn un Speelkreisen“

Een Arbeitsgrupp von Erzieherinnen ut Kinnergoorns un Speelkreisen hett siet 2001 Texten för de Arbeit mit lüttje Kinner in 't Vörschool-Öller tosomenstellt; Ahregen för Öllernarbeit, Singen, Spelen un Basteln is dor in to finnen. Dissé Arbeitsmapp kunh an 'n 14. Sept. 2004 in 't Inselrestaurant in Stood vörstellt warrn.

För de Kösten hett de Kreisspoorkass Geld tostüürt. Dat is dankensweert.

De Mapp kann jedereen kriegen. Se köst de Kinnergoorns un Speelkreisen in 'n Landkreis Stood nix. All de annern Lüüd köönt se köpen för 10 Euro bi „De Plattdüütschen“.



Kontakte

Heinz Mügge, 1. Vorsitzender, Querweg 1, 21709 Düdenbüttel,
Tel. 04144/8050 - Fax 04144/4010

Gunter Armonat, 2. Vorsitzender, Hohenwedeler Weg 62, 21682 Stade
Tel. 04141/12200

Hans-Peter Fitschen, 3. Vorsitzender, Fasanenweg 18, 21682 Stade
Tel. 04141/109140

Hans-Peter Hellwege, Kassenwart, Im Schacht 3, 21709 Burweg
Tel. 04144/1626

Heike Fedderke, Schriftführerin, Schwalbenweg 10, 21737 Wischhafen
Tel. 04770/7121 - Fax 04770/808405, eMail: Heike.Fedderke@t-online.de

Bankverbindungen:

Kreissparkasse Stade	Kto. 30 16 48	BLZ 241 511 16
Volksbank Himmelpforten	Kto. 70 86 600	BLZ 241 910 15

„De Plattdüütschen“
Förderverein för de plattdüütsch Sprook
in 'n Landkreis Stood

Uns lütt Blatt

Dit un dat
för
De Plattdüütschen

No. 3
November 2004


Norichten von De Plattdüütschen

Siet Grünnen von unsen Vereen in 'n Sommer 2002 hebbt wi nu 250 Mitglieder.

Prof. Dr. Dr. Els Oksaar in Düdenbüttel

Mit de Muddersprook to mehr Sproken - Mehr Sproken in 't Vörschoolöller. Dat Thema spröök Fro Prof. Oksaar (Sprookwetenschap) ut Estland ut 'n Harten. In dat Gemeen-Zentrum von Düdenbüttel kunnen an 'n 6. Mai 2004 hunnert Lüüd den interessanten Vödrag von Fro Oksaar (Hamborg) anhören. „De annere Sproken nich kennen deit, kann de egen Sprook nich verstohn.“ Dat Zitat von Goethe hett jümmer noch sienen Weert, verkloor de Referentin.

„De Plattdüütschen“ weern mit dat Projekt „Plattdüütsch in Kinnergoorn un Speelkreis“ togang. Besünners de Erzieherinnen von de Lütten kunnen veel von dissen Vödrag opneemen un wietergeben.



Plattdüütsche Theatergruppen in 'n Landkreis Stood

Geern will de Vereen de plattdüütschen Theatergruppen mit 'n Veranstaltungskalenner ünner de Arms griepen. Dat kummt ober man blot swoor in de Gang. De Theaterspelers hebbt veel to kriegen in jemehr egen Theatersaison. De

Tosomenarbeit un dat Afstimmen von Theaterstücken un Terminen un sowat all is man mau.

„De Plattdüütschen“ wöörn uk Geld tostüörn för 't Ut- un Fortbillen in „Regie“. Tokomen Jahr wüllt sik de Theatergruppen weller mit „De Plattdüütschen“ dropen.

Norichten un Utsichten

De Wettbewarv „Nedderdüütsch Schooltheater“ von 'n Landschaftsverband Stood in Tosomenarbeit mit de Scholen in Cuxhoben an 'n 24.06.04 is weller 'n groten Erfolg ween. Schoolkinner von de 3. Klass op an kunnen sik in 60 lütte Speelgruppen bewiesen mit jemehr Schauspeelkunst op Platt.

De plattdüütsche School- mesterdag

Eenmol in 't Jahr droopt sik Schoolmesters (un Autoren un Förderer von de plattdüütsch Sprook) ut 'n Ooltbezirk Stood un verhackstückt allens, wat mit Plattdüütsch in de School to doon hett. Dat Leit hett Hans-Hinrich Kahrs, de uk Mitglied bi „De Plattdüütschen“ is. An 'n 27.09.04 weern as Referenten Prof. Hermann Rauhe (Hamborg) un Jan Cornelius (Jemgum) in den wunnerboren „Beekhoff“ in Beckdörp bi Opens (Apensen) to Gast.

Plattdüütsche Bookmess in Hamborg

In de „Carl-Toepfer-Stiftung“ (Nanderstraße 22, dicht bi 'n Michel) is an 'n 13. un 14. November de „Plattdüütsche Bookmess“. Vele Verlagen as Quickborn, Wachholtz, Schuster un wo se all heten doot stellt dor plattdüütsche Böker un

Höörböker ut, de du uk köpen kannst. Von Klock twölf bit Klock fief is an beide Doog all Stünn een plattdüütsche Autorenlesung. Heike Fedderke kann jo Utkunft geben. Eintritt köst dat nich.

Plattdüütsch in 'n Landdag

In 'n Landdag wöör an 'n 25.06.04 diskuteert, wat Plattdüütsch in 'n Grundschool-Ünnerricht Plicht warrn kunn. Anschoben hett dat de Vereen „De Plattdüütschen“ un uk een Vörloog för enen „Entschließungsantrag“ utklamüüstert. De Scholen schüllt Angebote moken för 't Lehren von de plattdüütsch Sprook. Bit nu is dat nich in 'n Lehrploon in. De Kultur-Utschuss von 'n Landdag schall dat wieter beroden. Wi bleibt an 'n Ball!

Plattdüütsch op Oortsschiller

De Stoder Landroot Gunter Armonat hett bekannt geben, dat dat nu mööglich is, op Oortsschiller uk de plattdüütsche Schrievwies antogeben. Dor freut wi uns öber.

Dat Neddersassische Verkehrsministerium wiest dor op hin, dat disse Ünnerlogen intoreichen sünd: Übersetten un urkundliche Quellen un uk de Stellungnohm von 't INS in Bremen. All Samtgemenden, Einheitsgemenden un Städer hebbt unsen Vereen middewiel de plattdüütsche Schrievwies von jemehren Oort tokomen loten. De Vereensvörstand ward in de tokomen Weken de Kommunen bi dat Ümsetten von dit Projekt een beten ünner de Arms griepen.

Klöönsnack in Himmelporten

Op Anregen von „De Plattdüütschen“ sünd nu al dreemol Lüüd ut de Samtgemenden Himmelporten un Oldendörp to 'n Klöönsnack bi Hellwege in Himmelporten tosomenkomen.

Dor wöör snackt öber dit un dat, wat in de Welt jüst so passeert un uk Geschichten vörleest.

De neegste Termin is Dingsdag, de 11. Januar 2005, obends Klock söben bi Hellwege.

Plattdüütsche Autoren söcht

Gemeensom hebbt de Kreisspoorkass Stood, dat Stoder Blatt un de Vereen „De Plattdüütschen“ 'n Wettbewarv för nedderdüütsche Autoren utschreiben. As Priesgelder will de Kreisspoorkass hierföör 1000 Euro utgeben.

Wokeen mitmoken will, schull den Termin 01. 12. 2004 nich verpassen un sien Geschichten bi 't Stoder Dagblatt afgeven.

Plattdüütsch Kalenner

Wokeen mookt wat op Platt in 'n Landkreis Stood?

Hier to hett uns Vereen enen Kalenner trechtmookt mit Terminen von plattdüütsche Theatergruppen (Speeltiet von November bit März 2005).

Sowiet as mööglich, schüllt in dissen Kalenner uk Terminen von Autoren, Vörlesers un Musikgruppen stohn. Hierföör müch de Vereen „De Plattdüütschen“ üm Hölp bidden. De Daten för den neegsten Kalenner bruukt wi bit to 'n 15.02.2005.